



Broj:02-19-9-580/26

Datum:1.4.2026. godine

Služba za zajedničke i komunalne poslove Općine Travnik, po zahtjevu **Saveza antifašista i boraca NOR-a SBK/KSB** a na osnovu člana 200. stav 1. Zakona o upravnom postupku („Sl. novine FBiH“, broj 2/98 i 48/99), člana 8. Zakona o principima lokalne samouprave u FBiH („Sl. novine FBiH“, broj 49/06), člana 16. Zakona o privremenom korištenju javnih površina na području Srednjobosanskog kantona („Službene novine SBK“, broj 14/16) i člana 15.16. i 17. Odluke o komunalnom redu (Prečišćeni tekst "Službene novine Općine Travnik" broj 13./18), **d o n o s i:**

R J E Š E N J E

o komunalnom odobrenju

Daje se komunalno odobrenje **Savezu antifašista i boraca NOR-a SBK/KSB** za korištenje javne površine za postavljanje bine na lokalitetu ispred JU Zavičajni muzej u Travniku za organizaciju koncerta u okviru manifestacije obilježavanja 9. maja - „Dana pobjede nad fašizmom“, na način da se obilježavanje izvrši u okviru projekta „9. maj-Pobjeda protiv zaborava:Glas nove generacije“, sa ograničenim rokom važenja za dva dana, **počevši od 8,00 sati 9. maja do 12,00 sati 10. maja 2026. godine (subota i nedjelja)**, a prema sljedećim:

1. Komunalno-tehničkim uslovima:

- 1.1.** Dimenzije bine: 15,0 x 12,0 m
- 1.2.** Postavljena bina mora biti u okviru navedenih dimenzija.
- 1.3.** Status: privremeni, ograničen na dva dana, počevši od 8,00 sati 9. maja do 12,00 sati 10. maja 2026. godine (subota i nedjelja).

2. Ostalim uslovima i obavezama:

- 2.1.** Postavljena bina u bilo kojem trenutku ne smije ugrožavati nesmetan pješački prolaz.
- 2.2.** Organizatori manifestacije i ovlaštena lica od strane organizatora, dužni su se pridržavati Programa obilježavanja 9. maja, a koji će se realizovati kroz projekat „9. maj-Pobjeda protiv zaborava:Glas nove generacije“, u okviru kojeg su planirane aktivnosti: kraće obraćanje zvaničnika i gostiju, podjela zahvalnica Povelja „POBJEDNIK“ i koncert muzičke umjetnice Tijane Dapčević.
- 2.3.** Obaveza podnosioca zahtjeva je upoznati Policijsku stanicu Travnik sa održavanjem manifestacije.
- 2.4.** Organizatori manifestacije i ovlaštena lica od strane organizatora, dužni su provoditi sve aktivnosti na osiguranju i bezbjednosti svih lica učesnika manifestacije, kao i postavljene opreme i mobilijara u svrhu organizacije same manifestacije.
- 2.5.** Obavezuju se organizatori manifestacije i ovlaštena lica od strane organizatora da korištenu javnu površinu očiste i dovedu u prvobitno stanje.

- 3.** Održavanje ove manifestacije oslobođeno je plaćanje naknade za zauzimanje javne površine.

Obrazloženje

Rješenjem Službe za zajedničke i komunalne poslove Općine Travnik broj:02-19-9-435/26 od 11.3.2026. godine odbijen je zahtjev Saveza antifašista i boraca NOR-a SBK/KSB za obilježavanje 9. maja - „Dana pobjede nad fašizmom“ na lokalitetu Centralni trg u Travniku, za dan 9. maj u vremenu od 8,00 -24,00 sata i dana 10. maja 2026. godine do 12,00 sati, zbog ograničenog prostora i zbog toga što iz sigurnosnih i organizacijskih razloga nije moguće istovremeno održavanje više događaja na istom mjestu (fluktuacije velikog broja učenika/učesnika (od 2000-2500)).

Dana 27.3.2026. godine Savez antifašista i boraca NOR-a SBK/KSB podnio je novi Zahtjev broj:02-19-9-580/26 za korištenje javne površine za postavljanje bine za obilježavanje 9. maja - „Dana pobjede nad fašizmom“ na lokalitetu ispred JU Zavičajni muzej u Travniku, na način da se obilježavanje izvrši u okviru projekta „9. maj - Pobjeda protiv zaborava:Glas nove generacije, sa ograničenim rokom važenja za dan 9. maj u vremenu od 8,00 -24,00 sata i dana 10. maja .2026. godine do 12,00 sati, u okviru kojeg su planirane aktivnosti: kraće obraćanje zvaničnika i gostiju, podjela zahvalnica Povelja „POBJEDNIK“ i koncert muzičke umjetnice Tijane Dapčević.

U prilogu zahtjeva dostavljena je Saglasnost JP „Stan“ d.o.o. Travnik za korištenje parking prostora „Konzum“ broj:82/26 od 26.3.2026. godine i Suglasnost za korištenje taksi stajališta udruženja „Taksist“ Travnik ispred TC Konzum od 26.3.2026. godine.

Postupajući po zahtjevu izvršen je uviđaj na terenu prilikom kojeg je pregledana tražena lokacija i utvrđeno da se na istoj može održati navedena manifestacija.

S obzirom da na to da je za prvu lokaciju (Centralni trg), traženu Zahtjevom broj: 02-19-9-435/26 od 11.3.2026. godine, utvrđena nemogućnost udovoljavanju Zahtjevu zbog prostornih ograničenja i što iz sigurnosnih i organizacijskih razloga nije moguće istovremeno održavanje više događaja na istom mjestu, a da je stranka Zahtjevom broj:02-19-9-580/26 zatražila novu lokaciju (ispred JU Zavičajni muzej u Travniku) za dan 9. maj u vremenu od 8,00 -24,00 sata i dana 10. maja 2026. godine do 12,00 sati, doneseno je rješenje kao u dispozitivu.

U skladu s članom 59. stav 2. Odluke o privremenom korištenju javnih površina na području općine Travnik ("Službene novine Općine Travnik", broj 18/22) načelnik Općine Travnik može osloboditi plaćanja naknade za korištenje javne površine osobe koje koriste javnu površinu u cilju održavanja kulturnih, zabavnih, sportskih, humanitarnih, zdravstvenih i sličnih manifestacija.

Na osnovu mišljenja stručnog lica organa, provedenog postupka i svih činjenica prikupljenih u toku postupka, u skladu sa članom 9. Zakona o upravnom postupku („Sl. novine FBiH“, broj 2/98, 48/99 i 61/22), organ je ocijenio da se može izdati rješenje kojim će se Savezu antifašista i boraca NOR-a SBK/KSB dati komunalno odobrenje za privremeno korištenje javne površine ispred JU Zavičajni muzej u Travniku, za postavljanje bine povodom obilježavanja 9. maja - „Dana pobjede nad fašizmom“, a prema svim uslovima navedenim u dispozitivu rješenja.

Kako je organ ocijenio, podnosioci zahtjeva za održavanje obilježavanja 9. maja - „Dana pobjede nad fašizmom“, koji nema ekonomsko-profitabilni karakter, u smislu plaćanja naknade za zauzimanje javne površine, oslobođeni su plaćanja iste, te je tako odlučeno kao u tački 3. dispozitiva rješenja.

U skladu sa članom 13. Zakona o privremenom korištenju javnih površina na području Srednjobosanskog kantona („Službene novine SBK“, broj 14/16) rješenje se donosi u skraćenom postupku.

POUKA O PRAVNOM LIJEKU:

Protiv ovog Rješenja može se uložiti žalba načelniku Općine Travnik, kao drugostepenom organu. Žalba se podnosi pisano ili usmeno na zapisnik putem ovog organa u roku od 7 dana od prijema Rješenja. Žalba podliježe obavezi plaćanja administrativne takse u visini od 10 KM (deset) shodno Zakonu o kantonalnim i administrativnim taksama SBK/KSB („Službene novine SBK/KSB, broj 11/03, 1/04, 5/12 i 11/15).

Obradila: Fatima Sujoldžić, dipl. pravnik

DOSTAVITI:

1. Savez antifašista i boraca NOR-a SBK/KSB
2. Komunalnoj inspekciji
3. a/a.



